

MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD

(Incorporated in Malaysia - Company No. 524989-M)

Berita Harian, Bisnes – Isnin, 8 September 2014 (C)

GABUNGAN CIMB-RHB-MBSB

KWSP tak patut undi



→
**RITA BENOY
BUSHON**

» Tindakan selari amalan tadbir korporat yang baik

Dua belas perkara dalam Pelan Pemulihan Perenungan Malaysia (MAS) yang diumumkan Khazanah Nasional Bhd, dilihat sebagai cadangan perlu bagi membolehkan MAS kembali mencatat keuntungan dalam tempoh tiga tahun.

Memandangkan ia pelan penstrukturkan semula yang kelima dalam tempoh 13 tahun dengan kerugian terkumpul sejak tahun 2001 berjumlah RM8.4 bilion, beberapa keputusan yang sukar dan pahit perlu diambil.

Khazanah perlu telus mengumumkan status pelaksanaan dan penanda aras pencapaian MAS bagi tempoh tiga tahun memandangkan RM6 bilion lagi akan dibelanjakan. Kita mahu melihat kejayaan.

Dalam perkembangan terkini syor gabungan CIMB-RHB-MBSB, difahamkan Kumpulan Wang Simpanan Pekerja (KWSP) ingin memohon pengecualian pihak kawal selia supaya membencarkannya mengundi dalam resolusi pada mesyuarat agung.

Kami berpendapat, KWSP tidak patut mengundi selaras dengan amalan tadbir urus korporat yang baik. Lebih baik memberikan pemegang saham lain yang tiada konflik kepentingan untuk mengundi.

Jika cadangan penggabungan itu dilihat baik dengan mengambil kira harga berpatutan diberi kepada pemegang saham, resolusi ini besar kemungkinan akan diluluskan. KWSP juga mendapat manfaatnya dengan harga tawaran lebih baik.

Kami juga berpendapat Undang-undang Keperluan Penyenaraian Bursa sangat berpatutan.

Dalam situasi ini, KWSP memiliki hak majoriti menerusi 42

peratus saham dalam RHB dan lebih 60 peratus dalam MBSB. Jika KWSP dibenar mengundi, sebarang bantahan pemegang saham minoriti, jika berbeza dengan pandangan KWSP, akan diketepikan, sama ada dari segi penilaian ataupun struktur penggabungan.

Kepentingan nasional perlu diutamakan dan dilaksanakan selaras perlindungan kepentingan minoriti, bukan mengetepikannya.

Dalam erti kata lain, sama ada KWSP mewakili kepentingan seorang atau 12 juta ahli bukan ukuran.

Jika pemegang saham yang mempunyai pemilikan majoriti dan ada konflik berkepentingan dibenar mengundi, ia mungkin mengetepikan kepentingan minoriti serta kesihatan pasaran modal yang menjadi agenda lebih besar.

Berdasarkan hujah ini, KWSP tidak sepatutnya mengundi bagi cadangan penggabungan berkenaan. Jika diberi pengecualian, ia akan membuka ruang kepada syarikat awam lain untuk menggunakan hujah sama dalam menegakkan hak mereka, yang mungkin boleh menjasaskan kepentingan minoriti dan pasaran modal.

Skim Ombudsman Kewangan

Kami juga mengambil perhatian Bank Negara Malaysia yang mengeluarkan kertas rundingan Skim Ombudsman Kewangan bertujuan memperkuatkannya saluran bantuan penyelesaian bagi pengguna perkhidmatan kewangan dan bank. Skim ini baik dan berharap lebih disebarluaskan kepada orang awam.

Mengenai kertas rundingan Suruhanjaya Sekuriti mengenai cadangan pengawalseliaan penjanaan dana ekuiti daripada masyarakat, pembiayaan alternatif ini boleh memberikan sumber dana kepada perniaga kecil jika pelan perniagaan dibentangkan munasabah, menguntungkan dan boleh dilaksanakan.

Memandangkan terdapat risiko dalam pembiayaan bukan bank, peraturan yang mencukupi bagi perlindungan pelabur perlu diadakan dan kami berpandangan bahawa mekanisme ini sudah diperuntukan dengan secukupnya dalam kertas rundingan itu.

 **Penulis**
ialah Ketua Pegawai Eksekutif,
Badan Pengawas Pemegang
Saham Minoriti Bhd (MSWG)